

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 37. stav (2) i članom 52. Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24 i 6/25) i Odluke o preraspodjeli sredstava broj:07-03-01/11-1983-1-1/25 od 04.03.2025. godine, na prijedlog Ministarstva za prostorno uređenje, promet i komunikacije i zaštitu okoline - Kantonalne direkcije za ceste, Vlada Zeničko-dobojskog kantona, na 81. sjednici, održanoj dana 16.05.2025. godine, d o n o s i

O D L U K U

o usvajanju Programa utroška sredstava Ministarstva za prostorno uređenje, promet i komunikacije i zaštitu okoline-Kantonalne direkcije za ceste - pozicija „Nabavka opreme – Izvor 10“ Budžeta Zeničko-dobojskog kantona za 2025. godinu

Član 1.

(Predmet)

Usvaja se Program utroška sredstava Ministarstva za prostorno uređenje, promet i komunikacije i zaštitu okoline-Kantonalne direkcije za ceste, u razdjelu 19, budžetska organizacija 03, potrošačka jedinica 0001, ekonomski kod 821300, pozicija „Nabavka opreme – Izvor 10“, Budžeta Zeničko-dobojskog kantona za 2025. godinu, u ukupnom iznosu od 135.000,00 KM (slovima: stotintridesetpet hiljada konvertibilnih maraka) i čini sastavni dio ove odluke.

Član 2.

(Način realizacije sredstava)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade.

Član 3.

(Realizacija Odluke)

Za realizaciju ove odluke zadužuju se Ministarstvo za prostorno uređenje, promet i komunikacije i zaštitu okoline – Kantonalna direkcija za ceste i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-9896/25

Datum, 16.05.2025. godine

Zenica

PREMIJER

Nezir Pivić

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,
1x Kantonalna direkcija za ceste,
1x Ministarstvo finansija,
1x „Službene novine Zeničko-dobojskog kantona“,
1x a/a.

PROGRAM UTROŠKA SREDSTAVA

Ministarstva za prostorno uređenje, promet i komunikacije i zaštitu okoline -

Kantonalne direkcije za ceste - pozicija „Nabavka opreme – Izvor 10“

Budžeta Zeničko-dobojskog kantona za 2025. godinu

Član 1. (Svrha programa)

Svrha programa je da se odobrena sredstva iz Budžeta Zeničko-dobojskog kantona za 2025. godinu („Službene novine Zeničko-dobojskog kantona“ broj: 25/24), sa razdjela 19 – Kantonalna direkcija za ceste, budžetska organizacija 03, potrošačka jedinica 0001, ekonomski kod 821300, pozicija „Nabavka opreme – Izvor 10“ u iznosu od 15.000,00 KM i Odluke o preraspodjeli sredstava broj:07-03-01/11-1983-1-1/25 od 04.03.2025. godine u iznosu od 120.000,00 KM, a što u ukupnom godišnjem iznosu od 135.000,00 KM (slovima: stotnutridesetpethiljada konvertibilnih maraka), koriste za nabavku stalnih sredstava: motornog vozila, kancelarijskog namještaja i opreme, informatičke opreme za potrebe Ministarstva za prostorno uređenje, promet i komunikacije i zaštitu okoline-Kantonalne direkcije za ceste.

Član 2. (Visina sredstava)

Visina sredstava utvrđenih ovim Programom iznosi 135.000,00 KM (slovima: stotnutridesetpethiljada konvertibilnih maraka).

Član 3. (Izvor sredstava)

Izvor sredstava: Budžet Zeničko-dobojskog kantona za 2025. godinu („Službene novine Zeničkodobojskog kantona“ broj: 25/24), razdjel 19, budžetska organizacija 03, potrošačka jedinica 0001 – Kantonalna direkcija za ceste, ekonomski kod 821300 – „Nabavka opreme“, kolona „Izdaci iz budžeta – izvor 10“.

Član 4. (Kriteriji)

Kriteriji utroška sredstava: Kriteriji će biti utvrđeni shodno odredbama Zakona o javnim nabavkama Bosne i Hercegovine ("Službeni glasnik Bosne i Hercegovine", broj: 39/14, 59/22 i 50/24) i internog Pravilnika o javnim nabavkama, broj: 12/08-23-16230/22 od 22.06.2023.godine, a u skladu sa Planom javne nabavke Ministarstva za prostorno uređenje, promet i komunikacije i zaštitu okoline.

Član 5. (Korisnici)

Kategorija korisnika sredstava: U skladu sa Zakonom o javnim nabavkama BiH biti će izabrani ponuđači sa najpovoljnijom ponudom.

Član 6.
(Realizacija)

Za realizaciju sredstava po ovom Programu zadužuju se Ministarstvo za prostorno uređenje, promet i komunikacije i zaštitu okoline-Kantonalna direkcija za ceste i Ministarstvo finansija, svako u okviru svojih nadležnosti.

Član 7.
(Izvještavanje)

O utrošku sredstava po ovom programu, Ministarstvo za prostorno uređenje, promet i komunikacije i zaštitu okoline-Kantonalna direkcija za ceste, dužna je polugodišnje izvještavati Vladu Zeničko-dobojskog kantona.

Član 8.
(Utrošak)

Sredstva za nabavku opreme utrošit će se kako slijedi:

<i>Redni broj</i>	<i>Naziv opreme</i>	<i>Planirana sredstva/KM</i>
1.	Motorno vozilo	120.000,00
2.	Kancelarijski namještaj	5.000,00
3.	Kancelarijska oprema-razno	3.000,00
4.	Informatička oprema	7.000,00
	UKUPNO:	135.000,00

Broj: 02-11-9896/25

Datum, 16.05.2025. godine

Zenica

PREMIJER

Nezir Pivić

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,
1x Kantonalna direkcija za ceste,
1x Ministarstvo finansija,
1x „Službene novine Zeničko-dobojskog kantona“,
1x a/a.